

IXLIAKTUM IFCARTA SAN PABLO NIMA TZOKNILH TIMOTEO

Pablo huaní kalhén ixamigo Timoteo

1 ¹ Aquit Pablo clītanú ixapóstol Jesucristo tí nalīchihuínán porque chú talimāpaksinanit Dios tí quincalakmaxtunit y Jesucristo tí quincamaxquiyán tú nacxilhlacachānu. ² Cmalakachaniyán jaé carta huix Timoteo tí climacān xlicana quinkahuasa nima climāpahuaninīt Cristo. Quinticucān Dios y Quimpuchinacān Jesucristo cacxilhlacachín, calakalhamán y camaxquín lipaxáu latāmat.

Pablo lichihuínán tí takskahuínán

³ Huix catziya la cakaxculín acxni canchá nac Macedonia, catamákxtakti nac Efeso xlacata nacakastacyahuaya namá makapitzi cristianos ni catalīchihuínalh talacapastacni nima ni cmasinītau, ⁴ ni para catacānjlah cuentos nima talacsacxtunit lacchixcuhuín y la taliminītanchá lakkorutzin tí quincamalacatzuquinitán porque huata litzucú tasitzi nima nitú camacuaniyán y ni camaktayayán namakachakxiyātīt la lalhcānit Dios natalipahuán ixcamán xlacata tatataxtuní.

⁵ Aquín acxni cacastacyahuayāu cristianos cmasiyāu cataralakalhāmalh chatum chatúm la caminīnī tí tlan tacatzí nac ixnacujcān porque tí talīlacpuhuán ixtalacapastacnicān tú tlan y xlicana talipahuán Dios nataralkalhamán. ⁶ Pero makapitzi taktzonksuá jaé tú cmasinītau y talakatí talīchihuínán talacspita tú nitú limacuán, ⁷ talactlancān talītanú tlan tamāsī ixlimāpaksín Dios masqui ni tamakachakxí tú talīchihuínán, ni para tú tancs tapuhuán tamāsī talīchihuínán.

⁸ Ixley Moisés mastá tlan talacapastacni pero camasú la mininī porque catziyāu līlhcanit huata nacalīmakatuyí tí ni tlan tú tatlahuá. ⁹ Pero tí tancs talamana ni camakatuyí ixley Moisés porque Dios mástalh ixlimāpaksín nacamacxcatzinī ama taxokōnán tí ni tlan tú tatlahuá, namá tí ni takahuánán, tí takaxmatmakán tú cahuanicān, namá tí nitú talīcxila Dios, tí tatlahuá tipakatzi talakalhín, tí likalhkamanán Dios, tí ni tapaxquinán, tí tamakní ixticucān, tí tamakní ixtacristianoscān, ¹⁰ tí talimāhuacá takalhí lacchaján o lacchixcuhuín, tí tastá ixtacristianoscān nima takalhnán, tí taksaninán, tí ni tamakantaxtí tú tamalacnú y tí tatatlancānī ni tatakokeputún tancs ixtalacapastacni Dios, ¹¹ namá lipaxáu ixtachihuín Dios tú masí la tlan tataxtuní cristianos nima quimamacquinit nacmakahuaní.

Pablo paxcatcatzini Dios tú tlahuanit ixlacata

¹² Aquit cpaxcatcatzini Quimpuchinacán Jesucristo tí quimaxquinit licamama porque quilipáhuah quilimakxtaka naclixcuja. ¹³ Aquit tí xapulh xaclikalkamanán xaccaputlaká tí ixtalipahuán y ni xaccaxilhputún, pero xlá quilakalhámah porque xacaktzankanit, ni xaccatzi tú xactlahuama, ni para xaclipahuán. ¹⁴ Namá Quimpuchinacán Jesucristo quimasínih luhua ixtapaxquin acxni quiacxilhlacáchilh quilimáxtakli naclipahuán y quimáxquilh tapaxquin nima kalhiyáú aquin tí lipahuanáú Cristo.

¹⁵ Aquit tancs ccatzi xlicana tú ccahuanimán y minini chu natacanajlá huak cristianos xlacata Jesucristo milh caquilhtamacú calakmaxtú tí takahí talakalhín y aquit xlahuán clitanú mas ctzacatnani ixlacatin Dios. ¹⁶ Max huá jaé xlacata Dios quililakalhámah y limáxtakli aquit chatum tzacatná caquimasínih Jesucristo la camatzankenani tí tatzacatnán xlacata na natalilacahuanán xamakapitzi tí calacsacnit la tlan camaxquí lipaxáu latámat para talipahuán. ¹⁷ Dios huá namá rey tí nicxni catilákspuhtli ixlimapaksín, tí siempre lama nahuán, tí ni litamakxtaka nacxilhcán y litanú huata huá chatum Dios tí lama. Huá calakachixcuhuú y capaxcatcatzini tú tlahuá chali chali liama nahuán quilhtamacú. Chuna calah, amén.

Makapitzi takxtakmakán talipahuán Dios

¹⁸ Timoteo, huix la quinkahuasa clipaxquiyán, cmamacquiyán ni catatlaji, calacputza tayaniya nac milatámat, ¹⁹ tancs calipahuanti Cristo y ni catlahua tú nalipuhua astan, calatapa la camacxcatzinih Dios makapitzi profetas natalichihuinanán, porque makapitzi taktzónksualh tlan talilacpuhuanán ixtalacapastacnicán y tachókolh talipahuán Dios, ²⁰ la namá quincacamcán Himeneo y Alejandro; pero aquí ccamacamaxquinit tlajana cacamatláhuilh talakalhín xlacata natalicatzí ni natalikalhkamanán Dios.

Huak cristianos catakalhtahuakánih Dios

2 ¹ Aquit ccamamacquiyán caxculítit Dios, cakalhtahuakanítit, caxcalanítit y capaxcatcatzinit tú tlahuá ixlacatacán huak cristianos. ² Cakalhtahuakátit ixlacatacán reyes, ixlacatacán mapaksinanin xlacata calitlán natalamayáú nití naquincataraslakán y tlan naliscujáú Dios ixlihuak quinacujcán y nití nahuán limaxanaj lamanáu. ³ Chuna jaé quililatamcán y chú lakatí calatamáú Dios tí quincalakmaxtunitán. ⁴ Porque xlá lacasquin huak cristianos catataxtúnih y catamalacatzúhuilh xlacata natalakapasa tancs ixtalacapastacni.

⁵ Huixín catziyátit huata huí chastum Dios, pues na huata chastum namá chixcú tí talaccáxlalh tlan tamalacatzuhuí cristianos tí ixtatzacatnanit y namá chixcú huá Jesucristo ⁶ tí macamástalh ixlistacni xlacata naxokonán ixlacatacán huak cristianos tí tatzacatnanit. Dios malakapasnínalh tú ixlachcanit acxni áchchalh quilhtamacú, ⁷ y aquit quililhcanit nacmakahuaní jaé talacapastacni quilimakxtaknit naclitanú apóstol tí nalichihuínán. Aquit cliquilhán Cristo xlicana ni caskahuínán acxni cuan quimalakachanit naccamakalhchihuíní tí ni judíos naccahuaní la natalipahuán y la natacanajlá tancs ixtalacapastacni Dios.

Pablo cakastacyahuá lacchixcuhuín y lacchaján

⁸ Aquit clacasquín huak lacchixcuhuín catakalhtahuakánilh Dios canihuá ní tatamakstoka y acxni tatalacayahuaní Dios aktum catahuílih ixtapuhuancán, nití lamakasitzima y nití laquitstalama.

⁹ Lacchaján na chuná ni limaxanaj catalhakánalh, catahuílih lhakat nima tlan tasí, la camininí tí nitú ixkasatcán, ni licuánit catácxquitli, ni licuánit catalicaxtáyalh oro y lactapalaxlá ixlitacaxtayancán nima takalhi, ni para catalilactlancalh lactlán ixlhakacán. ¹⁰ Mas camininí catamásilh tú tlan tatlahuá la camininí lacchaján tí talipahuán Dios y macamaxquinít ixlatamacán. ¹¹ Acxni tú lichihuínamaça acs catatahui takaxmatmana tú masimaça ni catapaktánulh. ¹² Ni para cmatlaní chatum puscat caçpúxculh camakalhchihuíní lacchixcuhuín, ni para nacamapaksí, mas mininí acs catahui, ¹³ porque Dios xlahuán tláhualh chatum chixcú Adán, y astán tláhualh puscat Eva. ¹⁴ Xahuá caksántit xlacata ni Adán akskahuínit tlajaná sino que askáhuilh Eva, y astán huá matláhuilh talakalhín. ¹⁵ Pero na tlan taxtuní para makantaxtí camakastaca ixcamán, para ni limakxtaka tancs lacapastacnán, lipahuán Dios, paxquinán y limakxtaka caskálhlih Dios.

Pablo lichihuínán la ixlilatamacán tí taçpuxcún cristianos

3 ¹ Aquit tancs ccatzí xlicana tú ccahuanimán: para chatum chixcú litanuputún xapuxcu cristianos tí talipahuán Cristo tlan tú lacpuhuán nac ixnacú. ² Pero tí chipaputún namá tascújut litanú xapuxcu cristianos tí talipahuán Cristo, tamaclacasquiní ni limaxanaj natalatamá, huata nakalhi chatum ixpuscat, tancs calacpuhuánalh, huata calacpútzalh tlahuá tú tlan, calatámalh la mininí tí liscuja Cristo, cacamaklhtínalh tí tamín talakpaxialhnán, cakálhlih liskalala la nacamakalhchihuíní cristianos. ³ Pero ni lá litanú xapuxcu cristianos tí huata lakatí kachí, tí lakatí laslaka, tí lakatí huata lipuhuán natlajá tumín; tí litanuputún xapuxcu cristianos mininí tlan nacatzí, calitlán latamá, ⁴ tlan camapaksí tí talamana nac ixchic, camasiní ixcamán la natakahuanán y la calitlán natalatamá. ⁵ Porque para chatum chixcú tí litanú xapuxcu cristianos ni lá camapaksí tí catalama nac ixchic, ¿niculá

tlān nacācuentaja cācpuxcún cristianos tí talipahuán Dios? ⁶ Na chuná nī lá litanú cācpuxcún cristianos tí apenas tzucunītlipahuán Cristo porque tlān tzucú lactlancán y namāxokonicán ixtalākahlín la castigartlahuaca tlajaná. ⁷ Na tamaclacasquiní tlān natalilacahuánán ixlátamātlān namá tí nī talipahuán Dios xlacata nī limāxanax natalichihuánán; xahuá chuná nī catimāxquilh quilhtamacú tlajaná namātlāncanī xlacata natlahuá talākahlín.

La ixlilatamātlān ixmaktāyananīn xanapuxcún cristianos

⁸ Na chuná namá ixmaktāyananīn xapuxcu cristianos tí talipahuán Cristo, tamaclacasquiní tancs catalatāmālh xlacata nacālipahuancán, catamākantāxtīlh tú tahuán, nī huata catakāchīlh, nī huata catalipúhualh la natatlajā tumīn māsqi nī camīnīnī. ⁹ Catamāsīlh tamākantaxtī tú camācxcatzīnīlh Cristo la tatakokenītlān y tancs catalilācpúhualh ixtalācapāstacnicán tú tlān.

¹⁰ Antes nacālihcaacán ixtascujutcán calacchihuánāntit para huāk tamātlānī y para tancs talamāna cacāmaxquīca ixtascujutcán natamaktāyā xapuxcu cristianos tí talipahuán Cristo. ¹¹ Ixpuscātcán na chuná tancs catalatāmālh xlacata nacālipahuancán tancs catalācpuhūānlh, catamākantāxtīlh tú talactanū, nī cataksanīnlh.

¹² Namá ixmaktāyananīn xapuxcu cristianos, huata catakāhīlh chātum ixpuscātcán, tlān catamāpāksīlh ixcamancán y tí talamāna nac ixchiccán. ¹³ Porque namá ixmaktāyanā xapuxcu cristianos tí tlān mākantaxtī ixtascūjut huāk cristianos tācxila y tzucú talipahuán y tiyā mā licāmama lichihuánán la tlān natalipahuán cristianos Jesucristo.

Pablo lacpuhuán ama acxila Timoteo

¹⁴ Timoteo, aquit ctzoknimān jaé carta māsqi cphuán sok cama lakanāchān; ¹⁵ pero para tú clīmakapalā nī cama akatuyūn porque cmālakachānīnītān jaé carta xlacata nacatzīya la ixlilatamātlān tí camācpuxcunīnīt Dios natacuentaja tí calīmanūnīt ixcamān, porque aquīn ixlītalākapasni tí tanūmanāu nac ixpusiculān xastacnān Dios y aquīn tí kalhiyāu tancs ixtalācapāstacni tú nalīchipāxnanāu y namākahuanīyāu canīhuā. ¹⁶ Aquīn nī lá huanāu nī lanca namá ixtalācapāstacni Dios nīmā tzeḱ laclhcañit la naquīncācxīlhacachīnān. Calilācapāstacnāntit tú huan:

Tí quīncālakmāxtūn milh lakahuán la catīhuā chīxcú,
Espīritu Santo māluloknīt tancs māstā taxokōn.
Angeles xalac akapūn talilācahuānānīt,
y lichihuānāncanīt canīhuā pulatāmān.
Lhūhua cristianos xala cāquilhtamacú talipahuānīt,
y ixlīlanca talilācahuānlh tí tamāklhtīnlh nac akapūn.

Lhuhua cristianos ama tataralacataquí Dios

4 ¹ Ixespíritu Dios quimacxcatzíninít xlacata antes namín Cristo ixlimaktuy caquilhtamacú lhuhua ama tataralacataquí ixlimapaksín Dios, ama talimakxtaka talipahuán Dios, ama takaxmata tú tahuán akskahuinanín, ama tacanajlá talacapastacni nima tamacxcatzíninán tlajananín, ² ama tatakoké tí tahuán tú nī cana y namá tí tatalacatlání la lactlán cristianos, pero nítí tasipacxila la chatum chixcú tí kalhí tulanca ixmacatzácat, yaj tú maklhcatzí. ³ Xlacán ama talihuán yaj catamakaxtokca, ama talihuán yaj cahuaca makapitzi tahuá nima Dios catlahuanit y tlan talihuayán ixcamán tí tamakachaxinít ixtalacapastacni para tapaxcatcatzíní ixtahuajcán nima camaxquí. ⁴ Porque huak lihuay nima tlahuanit Dios huak tlan huacán para paxcatcatzínicán tú mastá; nī mininí nalakmakanáu ⁵ porque Dios tlahuanit quilacatacán, chú huán ixtachihuín y chú cakalhtahuakaníu.

Pablo huan la ixlilatámat Timoteo

⁶ Para huix camasiniya quintaamcán tí talipahuán Cristo jaé tú cuaninitán Jesucristo ama lakatí la makantaxtípat ixtascújut, ama maxquiyán mas talacapastacni la nalipahuana y ama mamakachaxiniyán la mas tancs natakokeya jaé talacapastacni nima masininitán. ⁷ Huix nī cacanjla namá cuentos nima talacsacxtunit cristianos nima tatzaksá tamacacanjlayán. Huix mas catzaksá mastacaya tlan mintalacapastacni la nalimakapaxahuaya Dios milatámat. ⁸ Aquit cama huaniyán amá cristianos tí tzaksá mastacá ixlitlihueke ixmacni huí nima namacuaní, pero tí tzaksá mastacá tlan ixtalacapastacni la nalimakapaxahuá Dios ixlatámat canihuá ama tayaní porque ama makachaxí la tancs nalatamá juú caquilhtamacú y tú ama maklhtinán nac akapún. ⁹ Aquit tancs catzí xlicana tú cuanimán y mininí chú natanajlá y natakahí ixtalacapastacnicán huak cristianos.

¹⁰ Aquín lacachánáu amán talatamayáu ixtastum xastacnán Dios tí malacnú nacalakmaxtú huak cristianos, pero mas tí tamalacatzuhuínit talipahuán. Huá jaé talacapastacni aquín liscujáu y liakxtakajnanáu, ¹¹ y chú mininí nacalimakalhchihuiniya y camasiniya cristianos.

¹² Chí cama huaniyán la mililatámat: huix nī calimáxtakti tí nalakmakanán caj xlacata kahuasacú huix y cacalimalacahuani cristianos tí talipahuán Cristo tancs mintachihuín, tancs lipahuana Dios, tlan catziya, capaxquiya y tancs lápat. ¹³ Antes nacanachá latiyá cacalikalhtahuakani ní tatamakstoka cristianos ixtachihuín Dios, cacamakalhchihuini la mininí y cacamaxqui licamama. ¹⁴ Huix aksana la Dios camacxcatzínilh lakkolún catalichihuínalh mintascújut y taliachitni ixmacancán xlacata nacatziya Dios maxquinitán ixlitlihueke tú naliscuja, pues nī calimáxtakti makantaxtiya mintascújut.

¹⁵ Calilacapastácnanti jaé tú maxquicanita y caliscujti ixlihuak minacú xlacata huak natacxila la mastacaya mintascújut. ¹⁶ Huata cmalacapastacayán tlan calacpúhuanti la mililatámat y lata tú masiya. Ni calimákxtakti makantaxtiya tú cuaninitán porque para chú latapaya tancs cacatzi pat taxtuniya y na chuná tí takaxmatán.

Minini calitlán camakalhchihuicán cristianos

5 ¹ Huix ni catasitzi cakahuani chatum kolú, chá calitlán camakalhchihuini la minticú cahuá, y lakkahuasán cacalikalhi la minatacamán. ² Lacchatín calitlán cacamakalhchihuini la minana catahua, y lactzumaján cacalikalhi la minatacamán cacatachihuinanti la minini.

³ Huix cacamaktaya tí xlicana viudas nitú takalhi. ⁴ Pero para chatum viuda cakalhi ixcamán o ixnatanatni xlacán caminini catacatzínilh pula tamaktayá ixlitalakapasni la ixlilat. Catapuspítnilh ixtalalhamán nima camaxquinít ixnaticún porque chú lakatí Dios catalatámalh ixcamán.

⁵ Namá viuda tí xlicana ni kalhi tí namaktayá, tancs calipáhuah Dios xlacata namaktakalha, caxcalánilh y cakalhtahuakánilh chali chali.

⁶ Pero namá viudas tí chuta taclatapulí, Dios calikalhi la xanin catalatámalh. ⁷ Huix cacalimapaksi catamakantáxtilh tú cuanimán xlacata nití tú nacaliyahuá astán. ⁸ Para chatum cristiano ni camaktayá ixlitalakapasni, y mas, para ni calipuhuán tí tamanca nac ixchic, Dios limanú la ni calipáhuah y min litamakxtaka mas lixcájnít que chatum tí ni lipahuán Dios.

⁹ Acxni litayayátit pat maktayayátit chatum viuda tamaclacasquiní nakalhi lihuacá sesenta años, huata kalhinít chatum ixtakolú, ¹⁰ tlan maluloka tlan catzít, camakastacnit ixcamán la minini, catamaklhtatanít tí mákat taminachá, caliscujnit ixchalhcatanánin Cristo, camaktayanit tí tamaclacasquín y tlahuanit litlán acxni tlan.

¹¹ Pero ni calitayátit camaktayátit lactzumaján viudas porque acxni ixmacnicán maclacasquín ixtacristiano, talitzonkcatzán taliscuja Cristo y tatamakaxtokputún, ¹² y chuná ixacstucán tatlahuá talakalhin porque ni tamakantáxtilh tú tamalácnulh. ¹³ Xahuá para ni takalhi tú tatlahuá tatzucú talakpaxialhnán nac ixchiccán cristianos y chuná ni huata mas lacflojas talakó sino que na tzucú taksaninán, talilacahuánán tú lama y tzucú talichihuínán hasta tú ni minini. ¹⁴ Huá clilacasquín xalactzumaján viudas catatamakáxtokli, catakálhilih ixcamancán, catamaktákalhli ixchiccán xlacata tí ni tacxilhputún tí talipahuán Cristo ni natakalhi quilhtamacú lixcájnít natachihuínán. ¹⁵ Porque makapitzi viudas taktzankanittá y tatakokenit ixtalacapastacni tlajaná.

¹⁶ Para chatum cristiano tí lipahuán Cristo kalhi chatum ixlitalakapasni viuda nac ixchic camaktáyalh, ni camatlánilh

catamaktáyalh ixtacristianoscán tí talipahuán Cristo xlacata chuná huixín tlan nacamaktayayátit namá viudas tí xlicana tamaclacasquín.

Lhuhua tamásí ixtalakahincán nima tatlahuá

¹⁷ Namá lakkolún tí tacpuxcún cristianos y tlan tamapaksinán cacapaxquítit y cacarrespetartlahuátit y mas namá tí talitayá ixtascujutcán takchihuínán y tamásí ixtachihuín Dios. ¹⁸ Caksántit la huan nac Escrituras: “Ni cahuilni bozal minquitzistanca nima tascujmán calimáxtakti cahuáyalh la lacasquín.” Y alacatunu huan: “Chatum tasacua minini namaklhtinán ixtaskau.”

¹⁹ Para chatum kolú tí cacpuxcún cristianos liyahucán talakahín huix nitú cahuani, solo para tlan tamaluloka chatuy o chatutu cristianos. ²⁰ Y para chatum maluloknicán ixtalakahín y latiyá tzacatnán, ixlacatinán huak cristianos tí talipahuán Cristo calakakahuaní xlacata natalilacahuanán xamakapitzi yaj natatzacatnán. ²¹ Aquit climapaksiyán ixtacuhuini Dios, ixtacuhuini Jesucristo y ángeles tí calacsacnit nataliscuja, camakantaxti tú cuanimán xatita lakchan, ni calacachipi para talipau o ni talipau. ²² Huix tlan calácsacti namá tí pat lilhcaya nacacpuxcún camakahchihuini cristianos porque para lilhcaya lata ni para catziya ixkásat amán mapasiyán ixtalakahín. Huix ni catlahua tú ni lakatí Dios.

²³ Timoteo, como tzapu chipayán tátat y tapalakahiya yaj cakotti huata chúchut na cahuat actzú xatlihueke ixhúchut uva.

²⁴ Ixtalakahincán nima tatlahuá makapitzi lacchixcuhuín tasí antes nacamalacapucán y tunuj catzicán ixtalakahincán hasta astán acxni camalacpucanit. ²⁵ Na chuná huí tí tlahuá litlán y catzicán tuncán, pero tahuilana tí tatlahuanit tú mas tlan y nití catzí hasta astán amaca catzicán.

La ixlilatamacán tasacua tí catamahucanit

6 ¹ Namá tasacua tí catamahucanit camascujucán catarrespetartláhualh ixpatroncán la minini xlacata nití lixcájnit nalichihuínán ixtacuhuini Dios y tú masinitáu. ² Para makapitzi tasacua ixpatroncán talipahuán Cristo, ni catataralacataquilh tatzacatnán caj xlacata acxtum talipahuán Cristo, chá mas lipaxáu cataliscujli porque tí taliscujmana talipahuán Cristo y tlan talimanú ixtacamcán. Huá jaé talacapastacni cacalimakalhchihuini y cacamasini cristianos.

Lhuhua tamásí tunuj talacapastacni

³ Para chatum cristiano masí tunuj talacapastacni y ni lichihuínán lactanes ixtalacapastacni Quimpuchinacán Jesucristo ni para tamatlaniputún la xlá lacasquín natalakachixcuhuí tí talipahuán, ⁴ namá chixcú nitú makachakxí y chuta lactlancán, lakatí laquitstalá y lacsacxtú

tachihuín nima nitú limacuán, pues chuná lacatzucú tasitzi lakcatzanicán tú huan chatum, tzucucán lixcájnít lalikalhkamanancán, ni matlanicán tú huan chatum, ⁵ y tzapu tzucú taranica namá lacchixcuhuín tí lixcájnít takalhí ixtalacapastacnicán porque ni tamakachaxinít tancs talacapastacni. Hasta tapuhuán xlacata tí talitanú xanapuxcun tí talipahuán Cristo tlan ni tuhua tatlajá tumín. Huix ni cacatamákstokti tí chuná namá ixkasatcán. ⁶ Aquit cuaniyán xlicana macuán talitanú xanapuxcun tí talipahuán Cristo pero ni xlacata tatlajá tumín, porque huata tlan ama tatayaní ixlacatín Dios tí tamatlaní tú takalhí. ⁷ Pues huixín catziyátit acxni lakahuanáu nitú limináu y acxni naniyáu na nitú amán lináu. ⁸ Chí capaxahuáu para kalhiyáu tú lihuayanáu y tú lihakananáu. ⁹ Pero namá tí talakatí takalhí tumín ni lá tatalá tacxila luhua tumín y tzucú talakcatzán hasta tú ni mininí, ni para camacuaní, chá camanuní laclixcájnít talacastacni xlacata natalaktzanká. ¹⁰ Namá tí pucutu talakatí tumín tzucú catanuní tunuj túnu laclixcájnít talacapastacni y makapitzi lata talipaxahuá ixtumincán hasta taktzonksuá talipahuán Cristo y ixacstucán tachípalh luhua takxtakajni nima takalhí nac ixnacujcán.

Huak tí talipahuán Cristo catalacachánilh Dios

¹¹ Pero huix Timoteo tí macamaxquiníta milatámat Dios, calakmákanti jaé laclixcájnít talacapastacni. Huix catzaksa tancs latapaya, tancs lakachixcuhuiya Dios, tancs lipahuana Cristo, capaxquiya mintacristianos, patiya tú paxtoka y tlan catziya nac minacú.

¹² Calacputza la namatayaniyán Cristo nac milatámat tancs lipahuana, calíscujti amá tapaxahuán nima pat maklhtinana nac akapún, pues huá xlacata lilacsacnitán Dios, y huix na tancs malacnu ixlacatincán luhua testigos pat lijsuja Cristo.

¹³ Aquit climapaksiyán ixtacuhuíní Dios tí camaxquí tú natalilatamá lata tú anán y Jesucristo tí litáyalh ixlacatín Poncio Pilato tú ixkásat, ¹⁴ ni calimáxtakti makantaxtiya tú mamacquinicaníta, ni para calakxtapali xlacata nití tú naliyahuyán acxni namín Quimpuchinacán Jesucristo. ¹⁵ Acxni nachán quilhtamacú Dios ama makantaxtí tú laclhcanít, porque ixlitlihueke namá chastum Dios nití macchaní, ixlihuakcán reyes huá lactaxtú, ixlihuakcán xapuchinanín tú anán huá lactaxtú. ¹⁶ Huata huá lama nahuán canicxnihuá, y ana ní huí tasí lanca taxkáket tú ni lá tí malacatzuhú; ni huí cristiano tí acxilhnít ni para lá acxila. ¡Huá calakachixcuhuíu y capaxcatcatziníu ixlitlihueke canicxnihuá! Chuná calalh, amén.

¹⁷ Namá tí takalhí luhua tumín cacamakalhchihuini ni catalactlancalh, ni catalipáhualh ixtumincán ama calakmaxtú porque namá tlan laclakó, chá cacamasini catalipáhualh Dios tí luhua tú quincamaxquiyan xlacata nalipaxahuayáu. ¹⁸ Catatlahualh litlán,

catalitánulh lacricos para luhua litlán tatlahuá, catamaktáyalh tí cätzankaní y ni catalakcátzalh tú tamastá o tú tamasquihuínán.¹⁹ Para chuná jaé talatamá Dios ama capaxcatcatzini tú tatlahuá y ama camaxquí ixputahuilhacán xlacata natalakapasa amá tapaxahuán nima calikalhima tú nicxni lakó canicxnihuá.

²⁰ Timoteo, camakantaxti tú cuaninitán y calakmákanti namá talacapistacni nima talacsacxtunit cristianos y nitú limacuán, ni para cacanjla tú talichihuínán namá tí talitanú lakskalalán masqui taktzankanit.²¹ Pues makapitzi tatakokenit jaé talacapistacni y talimakxtaknit talipahuán Cristo.

¡Timoteo, Dios casicunatlahuán! Chuná calalh, amén.